

\c 13

\p

\r 1 Korintus 13:1-13

\s Nuik: Klum nogo nebut.

\v 1 Dem-debui, blong duo yap!

Genam lo, saula-saula naklay go nebut so iwot go pepen go, nggano Wali Tamot go nebut so pepen dali go, no, genam klum kua go, kurleng kalik, nebut-a kangok so tuot go, dabui ba-a ulue so.

\ v 2 Yang, genam nemot-a, Wime Newet lo taling go nebut pen genang sogo taiti wali-pega ey go, ngga ba so kok go gigit go naklay mo senong go, senong-duduing naklay go dega, nggano naklay dabui iti go keng go, ngga sik so meduim idi sono rlo genang sogo mea pu, no klum kua go, genam go wali, sang seni kua.

\v 3 Esang, genam lo taut naklay, sedue kabung taut kua gono, wasey go, yang, genam go saysuk koy no puit genang sogo so, iti go, ngga ey genam go sui kangok so klik go, no, klum kua go, genam go wali, nemot go seni, ulue seni so.

\p

\v 4 Klum ngga nemot go seni: gigling, dabui kua, nele-nele kua, saysuk nogo dewi ya kua but, nggano dabui ta ya kua tegue.

\v 5 Klum ey go logo, kua seni go ya kua semu, nemot go saysuk nogo-a kua uwet, dabui piam kua tra, nggano, sedue meno logo piam, keda so mea kay.

\v 6 Piam so semu go ikum go nogo, klum logoso, yakay ya kua pla, no, seni sogo nogo-a, yakay mea pla.

\v 7 Klum logo, ide keba naklay mea lek. Dabui klaya iti go kekeng, ya kua yam. Dabui-a iti go, senang so mea bubung. Nggano, sogo-sogo naklay gigling wegeng ey don ey mea lek.

\v 8 Seni so, klum ya kua nega. No, Wime Newet lo taling go wali nebut pepen go, ngga mea yam. Nebut iwot go pepen go, mea tebung. Senong-duduing mea kua.

\v 9 Yang, seni so, imotnang sedue kabung go senong, maning kua kluing. Nggano, imotnang lo Wime Newet lo taling go nebut pepen go, nemot go seni suey so maning kua senong.

\v 10 Yang! Suey seni go, naklay pung go nogo, maning kua kluing go ngge, mea nega.

\p

\v 11 (Yatrang ngge kalik so:) Genam denok sogo nogo, genam lo pepen go, tra go, duduing go, denok kalik dali. No, genam nggeasui go, sedue so mo lemoy go nogo, genam go wali, denok kalik go, ngga sono gabe mo itak.

\v 12 Nggeasui go ngge, duosi ba no, lap ikum go kalik, suey so maning ya kua ikum.  
No, imot suong namon tegu gono, mea ikum. Genam nggeasui go, nemot-a, suey so  
maning kua senong gabe.

No, ku santugun gono, naklay ngga suey sogo mea senong,  
genam tang go Woy Dem lo suey so mo senong go kalik.

\v 13 No, imotnang ta mlak genang sogo, nangglik ngge-a se! Yang ngga: Dabui klaya  
iti go kekeng genang, dabui klaya iti go bubung genang,  
ngga ey, klum!

Nggano, klum-a, nemu klaya seni go gemang!  
(Klum nogo nebut nggeno yam!)